

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVII No. 6
Marso 21, 2006
www.philippinerevolution.org

Editoryal

Pasingkion ang armadong paghimakas!

Mabaskog nga ginahingyo sa tanan nga mga Pulang kumander kag hangaway sang Bag-ong Hangaway sang Banwa (BHB) kag mga kadre kag katapu sang Partido Komunista sang Pilipinas (PKP) nga ubos-kusog nga pasingkion ang rebolusyonaryo nga armadong paghimakas. Ini ang nagakadapat nga himuon sang BHB bilang sabat sa lapnagon nga panawagan nga tapnaon ang pasista nga sapat sa Malakanyang, papag-sikon ang hayag kag rebolusyonaryo nga kahublagang masa kag isulong ang inaway banwa padulong sa masunod nga subhalintang sang estratehikong depensiba.

Base sa direktiba sang Komite Sentral, ginapanawagan sang Partido sa tanan nga Pulang kumander kag hangaway sang BHB nga palig-unon ang determinasyon nga kaptan ang mabaskog nga buwelo sang mga taktikal nga opensiba.

Padayunon ang serye sang mga taktikal nga opensiba nga ginsuguran sadtong Septyembre 2005 nga amo ang pinakamalapnagon, pinakamaid-id kag pinakasustenido halin sadtong 1992. Lampasan pa naton ang kadamuon kag kasunson sang mga nalunsar nga taktikal nga opensiba kag ang numero sang



armas nga naagaw. Dugang pa naton pataason ang kahanasan sang mga Pulang hangaway, labi nga palig-unon ang ila militansya kag pabaskugon ang diwa nga mapagbato sang pumuluyo.

Ang buwelo nga ini sang mga taktikal nga opensiba sang BHB maathag nga nagapamatuod nga luto ang obhetibo kag suhetibong kahimtangan para sa pagpasingki sang pagpakig-away gerilya. Tuman kaayo ang kahimtangan kag mas paborable pa sa pila ka aspeto kon ikumparar sa una nga tunga sang dekada 1980 sang maangkon ang daku nga pagsikad sang armadong paghimakas.

Labaw ang kabangisan sang pasistang sapat sa Malakanyang.

Pero sa likod sang matalum kag duguan nga mga bangkil ni Gloria Arroyo, labi nga maluya kag naputos sang balatian ang iya rehimen. Wala pa tupong ang kadalum kag kasingkion sang kawadon, wala unod nga kaban sang banwa, gubaon nga industriya kag agrikultura kag mas mataas nga lebel sang disempleyo.

Ang pangunahon nga armadong instrumento ni Arroyo ginauyog sang madalum nga internal nga inaway. Ang kontra-rebolusyonaryong gera nga Bantay Laya halin 2001 napaslawan sa paglutos sa armadong paghimakas. Sa atubang sang pagsingki sang mga taktikal nga opensiba sang BHB sa bilog nga pungsod, nagtuhaw ang

***Mga tampok
sa isyu nga ini...***

Pasistang halimaw
PAHINA 3

**Walang habas
na pamamaslang**
PAHINA 6

**Lumalawak ang ligalig
sa China**
PAHINA 14

mga kahinaan sang AFP-PNP: ang malapad nga demoralisasyon sa kubay sang mga ordinaryong upisyal kag suldado, ang sobra nga pagkahitad sang pwersa kag rekursu sini kag ang labi nga pagkahumulag sini sa pumuluyo.

Nagapakulba kag nagapanghalit ang sapat. Gintumod sini ang iya bilog nga kabangis sa indi armadong pumuluyo kag mga pwersa nga nagabato kay Arroyo. Pero sa kamatuoran, ang kabangis sang rehimeng Arroyo nagahalin sa desperasyon nga magkapyot sa poder sa atubang sang malapad nga kahublagan nga magapalayas diri. Si Arroyo amo ang nagapangulba kag nahadlok sa banwa nga naghiliusa, nagaalsa kag nagabato.

Dapat maghatag sang mabaskog nga bunal batuk sa papet kag pasistang rehimeng Arroyo kag sa malaut nga kampanya sini sang terorismong estado. Dapat silutan ang rehimen kag ang mga armadong gaway sini agud mapabutyag ang madalum nga kaakig sang pumuluyo kag mahatagan-tum-ok nga indi magpasugot ang pumuluyo nga wala untat nga ginabastos ang ila mga kinamatarung.

Sa pagbaskog sang armadong

paghimakas, nabuyok ang pumuluyo nga pabaskugon man pati ang mga pagbato nga di armado kag ang mga pagbato nga ligal kag ilegal. Sa amo man, nagadaku ang kahigayunan para sa pagpabaskog kag pagpalapad sang mga asosasyon masa kag mga organo sang gahum pang-pulitika kag pagpasulong sang mga pangmasang paghimakas sa mas mataas kag mas malapad nga sakup.

Kaangot sini, hugot naton nga kaptan ang mga katungdanan agud labi pa nga isulong ang rebolusyonaryo nga armadong paghimakas. Santo sa direktiba sang Komite Sentral, dapat hatagan-prayoridad sang BHB ang mga aksyong anihilatibo nga pat-ud ang daog kag nakasiguro ang pagkuha sang dugang nga armas kag mga kagamitan panggera. Kadungan sini, ginahatagan importansya kag partikular nga atensyon ang mga aksyon nga may daku nga epekto sa pulitika, lakip ang pagsilut sa pinakamalaut nga pasistang kriminal, buyong kag manughukhok, mga *death squad*, mga makinarya sa paniktik kag mga espesyal nga yunit sang AFP-PNP nga nagapangidnap, nagatortur kag nagapamatay sang mga aktibista kag ordinaryong


pumuluyo, kag ang pagbira sa mga pinakatampad nga nagadepensa kag nagapagamit sa pagginahum Arroyo.

Sa amo man, padayon nga palaparon kag papagsikon ang pag-propaganda kag pag-organisa sa sulod sang AFP-PNP-CAFGU. Samtang ginatinguha naton nga makipag-alyansa sa mga positibo kag progresibong pwersa, inde-pendyente man kita mag-organisa sang mga likum nga grupo ukon lambat sang mga rebolusyonaryo kag iba pang kontak sa kubay sang mga suldado kag pulis. Kinahanglan padupulon ang anti-komunista kag "anti-terorista" nga pahadlok nga ginagamit sang AFP-PNP agud tiplangon ang mga tinawo sini kag magamit sila sa pagdepensa sa garuk nga rehimen kag nagaharing sistema.

Dapat hatagan atensyon sang mga nagapamuno nga komite sang Partido sa bilog nga pungsod ang mga halambalanon kag hilikuton militar. Dapat siguruhon nga mapasingki ang inaway banwa sa bilog nga kahabaan kag kalaparan sang kapuluan. Dapat pat-uron nga makaamot ang bilog nga organisasyon sang BHB. Katungdanan sang mga nagapamuno nga komite ang paghimo sang mga plano kag pagsiguro sang pwersa kag resorsa.

Magpakabatid sa pagpaniktik kag pagkahon sa mga target. Mangin matinugahon sa pagtumod sang mga target, pagplano sang mga operasyon kag pagtumod sang mga taktika agud madinalag-on nga malunsar ang mga pagpanglambat kag pagpanalakay. Engganyuhon ang inisyatiba kag paghulagon ang mga Pulang hangaway sa basehan nga lebel. Pahulagon man ang mga yunit milisya kag masang mangunguma sa nagkalain-lain nga katungdanan sa armadong paghimakas.

Padayon nga pamatukan ang tendensya nga mangin konserbatibo kag pasibo sa atubang sang

	
Tuig XXXVII No. 6 Marso 21, 2006	
Ang <i>Ang Bayan</i> ginabantala sa lengwahe nga Pilipino, Bisaya, Iloko, Hiligaynon, Waray kag Ingles.	
Mahimo ini i-download halin sa <i>Philippine Revolution Web Central</i> nga makit-an sa:	
www.philippinerevolution.org	
Nagabaton ang <i>Ang Bayan</i> sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.	
Malab-ot kami paagi sa e-mail sa: angbayan@yahoo.com	
Ang <i>Ang Bayan</i> ginabantala duha ka beses kada bulan sang Komite Sentral sang Partido Komunista sang Pilipinas	

Kaundan

Editorial	1
Pasistang halimaw	3
Si Ka Bel at ang Batasan 5	4
Panunupil sa masmidya	6
Walang habas ang pamamaslang	6
Ika-38 anibersaryo	
ng Jabidah Massacre, ginunita	7
Tuloy ang laban upang	
pataksikin ang rehimen	8
Mga opensiba ng BHB	9
Si Kasamang Cecilio Mariano	10
Ang "matagalang digma" ng US	11
Malawakang rali sa France	13
Lumalawak ang ligalig sa China	14

Sundan sa "Editorial," sa pahina 3

Sapat nga pasista

Padayon ang mga pasista nga pagpang-atake sang rehimeng Arroyo. Peke kag wala pulos ang pag-atras sini sa Presidential Proclamation 1017 bangud padayon gihapon ang paglatag sini sang todo-todo nga pasismo batuk sa pumuluyo.

Sa kamatuoran, labi pa gani nga naglala ang pasista nga bangis sini. Paliwat-liwat man ang pamahug sini nga liwat igapataw ang PP 1017 sa tion nga mabutang liwat sa alang-alang ang pagginahum sang rehimen. Luwas diri, kon anano nga *executive order*, dikreto kag layi (pareho sang BP 880 sang diktaduryang Marcos) ang ginbuhi liwat ukon gintiko sang rehimen para lang mahimo ang gusto sini. Kon may nagabalabag nga mga layi ginapahigad ukon ginalibutan lang ang mga ini.

Kadungan sa pasistang propaganda sang Malakanyang kag sang AFP, sang pagpanuhol para mapabilin kag magpadamo sang mga kadampig sa Kongreso, mga lokal

nga gubyrno, mga korte kag armadong kusog kag sang madasigan nga pagduso sang Chacha (pagbag-o sa konstitusyon), sa desperasyon sini naglab-ot man ang rehimen sa pagsandig sa pasistang pagpamigos bilang pangunahon nga pamaagi para makapabilin sa poder. Ang desperado nga pagsandig sini sa pasista kag mersernaryong militar kag pulisya hayagan nga ginkumpirma sang tagapamaba sang AFP nga si Col. Tristan Kison sang hambalon niya nga "ang pagpangibabaw ukon pagkapukan sang rehimen nakasandig sa militar." Siling niya, kon ngaa nagapabilin pa nga "bilog" ang pungsod sa pihak sang tanan bangud nagapabilin ang suporta sang militar kay Arroyo. Gilayon nga ginbayluhan si Kison masunod nga adlaw bangud sa wala-tuo nga pagpakamalaut nga gin-angkon sang rehimen bunga sang pag-ako niya nga ini.

Sa kamatuoran, ang pangunahon nga ginasandigan ni Arroyo sa

mahuyang nga kapot sini sa armadong kusog amo ang pila niya nga ginasaligan pa nga mga nagapamuno nga heneral kag iban pa nga loyalistang upisyal. Padayon na ginatublag ang kadam-an sang armadong kusog kag malapad ang pagkadisgusto sa kubay sang madamu nga bataon nga upisyal kag mga tinawo sang militar kag pulisya. Ang ginapakita nga bangis sang rehimen amo ang bangis sang naapeke nga sapat.

Dugang pa nga nagbaskog ang desperasyon ni Arroyo bunga sang labi nga paglapad sang kaakig sang pumuluyo kag pagkahamulag niya matapos ideklarar ang "*state of national emergency*" kag ipatuman ang mga mapiguson nga PP 1017 kag mga General Order No. 5 kag No. 6. Suno sa pinakaulihi nga sarbey sang Pulse Asia sining Marso, tatlo sa kada lima ka tawo ang wala-salig kay Arroyo. Pinakamalapad ang wala-salig kag kaakig sang pumuluyo kay Arroyo sa tanan nga mga nangin presidente sang pungsod. Masobra 65% ang gusto mapahalin na siya sa poder. Labi nga ginkaakig sang pumuluyo ang mga nakita nila nga pagpang-abuso bunga sang mga pasistang dikreto kag tikang sang rehimen.

Sadto pa nga Enero, gintukod na sini ang Inter-agency Legal Action Group (IALAG) agud magdumala sa tanan nga pagpasaka kaso kag pagbista sa mga kaaway sini sa pulitika. Ginpabulig man ni Arroyo ang pasistang institusyon nga Center for Strategic Studies agud ilunsar ang todo-todo nga anti-komunista nga kampanya kag ikundisyon ang paminsaron sang pumuluyo nga batunon ang iya pasista nga pagginahum. Pangunahon nga opereytor ni Arroyo sa kampanya nga ini ang pinakamapisan nga kleriko-pasista sa pungsod nga si Fr. Romeo Intengan, nga subong nagalibod sa kubay sang simbahan kag sa bilog



"Editorial," halin sa pahina 2

pagpanalakay sang kaaway. Indi basta lang maglantaw. Indi magpatumbaya sa pagsulong. Indi mahadlok sa mga sakripisyo kag kabudlayan. Mangin aktibo kag makahason samtang nagapabilin ang mabinantayon kag mapisan nga pagpaslaw sa pagpanalakay sang kaaway kag pagsulong sang inaway banwa sa panibag-o nga lebel kag sakup.

AB

nga pungsod agud ibaligya ang mga pasista nga polisiya sang rehimen. Katimbang ni Intengan sa kampanya nga ini amo pareho niya kleriko-pasista nga si National Security Adviser Norberto Gonzales.

Nagpagguwa man ang rehimen sang listahan sang mga "wanted" nga ginaakusahan sini mga "rebelde". Indi mga kriminal nga may sentensya ang gin-upod sa nasambit nga listahan kundi mga kaaway sini sa pulitika. Hayagan sini nga ginabalewala ang mga sandigan nga kinamatarung sibil sang sin-o man nga akusado kag ginpahigad ang sistema sang hustisya.

Gin-upod man sini sa listahan sang mga tawo nga arestuhon ang mga ginhatagan sang imunidad sa idalum sang Joint Agreement on Safety ang Immunity Guarantees (JASIG) nga ginpirmahan sadtong 1995 sang National Democratic Front kag Gubyerno sang Republika sang Pilipinas. Sobra nga pagtraidor

kag hayagan nga paglapas ini sa tanan nga nauna nga mga ginkasugtan sang magtimbang nga bahin. Sa tikang nga ini ni Arroyo, dalayon nga ginapatay sang rehimen ang sugilanon pangkalinungan. Ginadeklarar sang NDF nga wala na gid sang malauman sa pagpagkigsugilanon pangkalinungan sa rehimen ang Arroyo.

Nagpamahog man ang Malakanyang nga kon padayunon sang oposisyon ang pagpasaka sang panibag-o nga reklamong *impeachment* sa Kongreso, pagatapna man ini sang gubyerno pareho sang paglutos sini sa tuyo nga kudeta-buot silingon paagi sa paglagas, pagpang-aresto kag pagtapna sa mga magapanguna sa *impeachment*.

Padayon nga ginapunggan sang rehimen ang malaparan nga paghulag sang pumuluyo sa tuyo nga idiskaril ang kahublagang anti-Arroyo. Labi nga naglout ang mga pagtapna nga

ini sa paglunsar sang mga hublag protesta. Ginpadakup sini si Rep. Risa Baraquel sa rali sang kababaihan sadtong Marso 8. Gindakup man si Corazon "Dinky" Soliman kag Vicente Romano, mga lider sang Black ang White Movement sa ululupod nga paglakat sa Baywalk sa higad dagat sang Manila Bay sining Marso 17 sa kaso nga "iligal nga pagtilipon."

Ginapahug sini ang pumuluyo batuk sa paglunsar sang mga paghulag sa Marso 31 kag Mayo 1 sa pagdahilan nga mga adlaw nga ini nakatalana ang mga masunod nga tuyo nga kudeta. Ginakakulbaan sang rehimen nga ang tradisyunal nga dalagkuan nga pagtipon para sa pagdumdom sang mga mamumugon sa Adlaw sang Pangabudlay mahimo magkadto sa isa ka pag-alsa.

Dugang pa nga pamahug ang ginahanda sini subong nga daku nga presohan sa Tanay, Rizal para kuno sa mga nagakontra sa pagginahum ni Arroyo.

AB

Si Ka Bel kag ang Batasan 5

Nagapadayon ang pagpang-ipit sa mga progresibong pwersa kag ligal nga oposisyon, pangunahon na ang mga maslider kag tiglawas sa Kongreso sang mga progresibong partido.

Nakahunong tubtub subong si Rep. Crispin "Ka Bel" Beltran, tiglawas sang Anakpawis, sa pihak sang pagmandu sang Quezon City Regional Trial Court nga hilwayon siya sadtong Marso 13. Suno sa korte, wala sang nagakaigo nga basehan ang kaso nga sedisyon nga ginpasaka batuk sa iya sang

Department of Justice (DOJ) kag may epekto ang iya *parliamentary immunity* bilang isa ka kongresista. Ginsaway sang korte ang pagkadakup kay Ka Bel sang mga elemento sang PNP CIDG sang wala mandamyento sadtong Pebrero 25. Nauna diri, ginagamit ang lipas na nga kaso nga rebelyon bilang rason sa pag-aresto sa iya.

Sa amo man, nagbalibad ang PNP nga hilwayon si Ka Bel sa basehan sang bag-o nga himu-himo nga akusasyon nga siya kahimbong sa plano sang kuno kudeta sang mga rebeldeng militar. Sa



atubang sang tanan nga ini, nagpasaka sang kaso ang Council for the Defense of Liberties (CODAL) batuk kay Arroyo sa UN Human Rights Committee kag sa Working Group for Arbitrary Detention sa Geneva, Switzerland bangud sa ilegal nga pag-aresto kag arbitrario nga pagkahunong kay Ka Bel.

Malaparan nga kundenasyon naman ang nagsug-alaw sa DOJ sa pag-atubang sini sang isa kuno ka saksi batuk sa mga progresibong kongresista. Isa ka Jaime Beltran Fuentes, nga nagapakilala nga "security chief" ni Vicente Ladlad, Executive Director sang Bayan Muna, ang nag-atubang sa "preliminary investigation" nga ginhiwat bilding sang Kongreso sadtong Marso 13. Pero wala ni isa sa mga ginkasuhan kag sin-o man ang may angot sa mga organisasyon kag pwersa nga ginatiglawas nila ang nakakilala kay Fuentes. Gindalahig ni Fuentes pati si anay Social Welfare Secretary Dinky Soliman sang Black and White Movement sa kuno nakahimbon sang mga progresibong kongresista sa pagplano sang kudeta. Pati ang Kodao, isa ka lehitimo nga organisasyon sang midya, ginaakusahan man niya nga "prente sang PKP."

Nabuyagyag naman nga hayag nga kabutigan ang panaysayon sang isa ka Ruel Escala nga nakasaksi kuno sa pagpakigkita sang anum ka representante kay 1Lt. Lawrence San Juan sa Batangas sadtong Pebrero 20. Base sa mga rekord sang Kongreso, nagtambong sa miting sang isa ka gintingub nga komite sang Kongreso kag Senado ang anum nga kongresista sa adlaw nga ina.

Nagasulod na sa pang-apat nga simana ang pagkahunong sa Kongreso sang ginatawag nga "Batasan 5" kag pagpabilin ni Ka Bel sa Camp Crame. Samtang nagadugay, padayon nga nagaani sang suporta ang mga kongresista nga ginaipit sang gubyernong Arroyo. Nagpa-butyag sang kahandaan ang Senado

nga saluon kag hatagan-proteksyon ang lima ka kongresista sa atubang sang mga pabati-bati sang pamunuan sang Kongreso nga kuhaon na ang proteksyon sang Kongreso sa ila. Ginbisita man sining karon lang ni Bro. Eddie Villanueva si Ka Bel kag nagpanawagan nga hilwayon na ang kongresista.

Sa nagkalain-lain nga pungsod, padayon ang paglunsar sang mga paghulag agud ipamilit ang pagpahilway sa anum ka kongresista. Nagapadayon ang pagpalab-ot sang suporta kag paghiliusa sang mga internasyunal nga grupo, mga dumuluong nga partido pulitikal kag mga upisyal. Lakip sa mga nagapahayag sang pagkabalaka si Prime Minister Helen Clark sang New Zealand sa mga report bahin sa lapnagon nga paglapas sa mga tawhanong kinamatarung sa

Pilipinas, sa mga kwestyon sa pagdeklarar sang "state of national emergency" kag iban pa nga mga mapiguson nga polisiya sang rehimen kag sa padayon nga pagkahunong sa anum ka kongresista.

Nagpahayag man sang pagkabalaka sa ginasiling kwestyunable nga mga pag-aresto kag pagtapna sa kahilwayan sa pagpamahayag ang gubyerno sang Norway, nga nagaserbi man nga *third party facilitator* sa sugilanon pangkalinungan sang GRP kag NDFP. Luwas sa Norway, ginapaimbestigahan man sang anum ka myembro sang mga parlamento sang Belgium kag The Netherlands sa tagsa nila ka gubyerno ang lapnagon nga mga kaso sang paglapas sang rehimen Arroyo sa mga tawhanong kinamatarung. Nagpadala man sang sulat sa rehimen Arroyo ang Swiss Labour Party sadtong Marso 7 bahin diri.

Samtang, nagabaskog man ang pangkalibutanon nga suporta kay Ka Bel kag sa "Batasan 5." Lakip sa mga nagapahayag sang suporta ang pangulo sang Presbyterian Church sang US kag pangulo sang World Alliance of Reformed Churches nga si Rev. Dr. Clifton Kirpatrick. Nakatipon ang koalisyon sang Bayan Muna sang 302 lagda sang nagakalain-lain nga simbahan kag mga coordinator sang tawhanong kinamatarung sa US.

Nagpahayag sang paghiliusa ang pangulo sang National Christian Council of Japan kag 32 pa nga grupong Protestante didto. Nagpahayag man sang pareho nga suporta ang madamu man nga parehong mamalidha kag mga organisasyon sa pangabudlay, mga progresibong partido kag organisasyon, mga tawong simbahan, mga tagasuporta sang t a w h a n o n g kinamatarung kag kahilwayan sibil kag iban pa.


Dugang pa sa anum ka kongresista, walo ka lider sang mga progresibong grupo sa Davao City ang ginkasuhan sang rehimen sining Marso 18 sang pagkadalahig sa kasong sedisyon kag rebelyon na ginpasaka kay Rep. Joel Virador, isa sa "Batasan 5."

Nagapadayon man ang pagpang-ipit ni Arroyo sa iban pa niya nga kaaway sa pulitika, lakip ang malaparan nga paglagas kay anay Sen. Gregorio Honasan nga ginaakusahan sini nga lider sang mga grupo anti-Arroyo sa sulod sang militar. Madamu nga upisyal sang AFP kag PNP nga ginkuha sang rehimen kag pamunuan sang AFP kag PNP, ginpaidalum sa imbestigasyon kag ginaplanuhan nga kasuhan. Nagdesisyon man subong ang rehimen nga kasuhan si Gen. Danny Lim nga ginaakusahan sini nga namuno sa tuyo kuno nga kudeta. **AB**

Pagpamigos sa masmidya

Nagapadayon ang pagpamahug kag pagpang-ipit sang rehimen sa mga elemento sang masmidya nga wala nalingkang sa pagpaguwa sang kamatuoran kag mga pagkundina sa rehimen. Pareho sang nangin taktika batuk sa mga progresibo nga indibidwal kag grupo, ginapaandaman sang rehimen sang mga himo-himo nga kaso ang mga mamahayag kag padayon sila nga ginapanilagan. Padayon man nga nagapaguwa ang rehimen sang mga pagsulundan kag tikang para hatagan sang ligal nga basehan ang ginahimo sini nga pagpang-ipit sa masmidya.

Ginpasara sang rehi-



men sadtong Pebrero 24 ang "Ngayon na Bayan," isa ka premyado nga programa sa radyo sang Kodao Productions. Kilala ang programa nga ini sa progresibo kag makipumuluyo nga oryentsyon sa pagsaway sa rehimen ni Arroyo.

Padayon man ang pagpaandam kag pagpanilag sang Malakanyang batok sa mga mamamahayag sang *The Daily Tribune*, *Philippine Center for Investigative Journalism*, *Philippine Daily Inquirer* kag mga brodkaster sang ABC 5 kag ABS-CBN, nga lunsay aktibo sa pagbulgar sang mga anomalya nga ginakaumiran sang rehimen. Gin-ako mismo sang rehimen nga hugot nila nga ginabantayan indi lamang ang mga ginapaguwa sang natumod nga mamamahayag, kundi pati ang ila mga paghulag.

Ang iban sa ila, katulad ni Shiela Coronel, *executive director* sang PCIJ, kina-suhan na sang sedisyon.

Sa hearing sang Senado nahanungod sa Proclamation 1017 sining Marso 9,

ginbulgar ni Maria Ressa, *news director* sang ABS-CBN, nga gintawagan siya ni Gloria Arroyo ginmanduan nga untaton na ang ila pagkober sa protesta sang Philippine Marine sa Fort Bonifacio sadtong Pebrero 26. Gintinguha na lamang nga magpalusot sang Malakanyang sa pagsiling nga indi naman ini isa ka "direkta nga order" kundi isa lamang ka pangabay para sa interes sang pungsodnon nga seguridad.

Sa pareho nga hearing sa Senado, kinundena man sang mga senador ang paggamit sang Malakanyang sa National Telecommunications Commission para tapnaon ang kahilwayan sa pamamahayag. Upod sa mga gintumod nga pamaagi sa pagtapna ang pagpapanaog sang "*prior restraint*" (pagbawal bag-o pa man ipaguwa) sa mga pahayag. pagpataw sang nagkalain-lain nga pagsulundan nga kinahanglan sundon sang mga mamamahayag kag pagplatar sang NTC sang mga pwersa sang AFP kag PNP para bantayan ang midya. Paagi sa mga nasambit nga mga pagsulundan, padayon nga ginagamit sang NTC ang gahum sini nga gilayon nga utdon kag untaton ang anuman nga brodkas.

AB

Wala untat nga pagpamatay

Labi nga nagapintas ang sapat nga pasista sa guwa sang pungsodnon nga kabisera. Nagapadayon ang wala pili nga pagpamatay sa mga lider kag katapu sang mga progresibong organisasyon kag militarisasyon sang mga komunidad nga ginaakusahan sini nga nagasuporta sa armadong rebolusyon.

Sobra-sobra ang kapintas sang militar sa Central Luzon. Ginbansagan na ini nga *killings fields* makaligad ang malaparan nga pagpamatay sa mga lider kag myembro sang mga progresibong organisasyon.

Sining Marso 20, ginlambatan sang mga katapu sang *death squad* nga ginadumalahan sang militar ang pamilya Abelon sa Barangay San Pablo, Castillejos, Zambales. Gilayon nga napatay si Agnes Abelon, 30, kag

ang iya lima ka tuig nga anak nga si John Elvis. Malubha naman nga napilasan ang amay nga si Amante Abelon nga nag-angkon sang madamu nga igo sang bala. Nagaakto nga *provincial coordinator* sang Anakpawis sa Zambales kag pangaduha nga pangulo sang Alyansa ng Magbubukid sa Gitnang Luzon si G. Abelon.

Sadtong Marso 8, ginpatay sang militar si Crisanto Teodoro, pangulo sang Bayan-Bulacan sa lindero sang Plaridel kag Malolos, Bulacan. Upod nga nagabyahe ni Teodoro ang iya asawa sang luthangon siya sang mga nakamotorsiklo nga lalaki.

Si Teodoro ang ika-25 nga aktibista sa Bulacan nga ginpatay sang mga *death squad* sang AFP halin sang gindestino sa Central Luzon si Gen. Jovito Palparan

sadtong Oktubre 2005. Nagalab-ot na sa 95 mga myembro sang mga progresibong organisasyon sa Bulacan ang ginpamatay halin nga magpungko si Arroyo sa pwesto.


Sadtong kaaganhon sang Marso 18, wala kaluoy man nga ginpatay sang mga *death squad* si Tirso Cruz, 33, myembro sang Board of Directors sang United Luisita Workers Union (ULWU) kag barangay kagawad sang Pando, Concepcion, Tarlac. Si Cruz amo ang ika-14 nga mamumugon sa Hacienda Luisita nga ginpatay sang militar. Isa man siya nga yabi nga saksi sa

natabo nga masaker sa mga mamumugon sa asyenda sadtong Nobyembre 16, 2004. Madugay na nga ginapahog sang militar si Cruz angot sa iya pusisyon sa away sa Hacienda Luisita. May pila nga kahi-

gayunan man nga pilit siya nga ginapaako nga myembro sang BHB.

Nagahari ang pasistang nga kahadlok sa mga banwa sang San Ildefonso kag San Rafael sa Bulacan. Ginapamunuan ni Gen. Jovito Palparan, kumander sang 7th ID kag puno nga berdugo ni Gloria Arroyo, ang mga abuso nga militar.

Sadtong Marso 4, ginkuot



sang militar si Rogelio Concepcion, presidente sang unyon sang Solidstate Inc., isa ka pabrika sang hilo sa San Ildefonso. Tuhtub subong wala pa siya ginapatuhaw kag ginakakulbaan nga pinatay man sang mga berdugo. Kwarenta'y otso nga iban pa nga myembro sang unyon ang ginhilera sang militar sa ila "*wanted list*" gani napilitan na sila nga magtago.

Nagapaturan ang militar sang *curfew* sa duha ka banwa nga ini, kon sa diin ginaobligar ang tanan nga magpabilin sa sulod sang balay pag-abot sang alas-10 sang gab-i. Ang mga residente ginapadala sang sedula kag tanan nga indi kilala sa lugar ginapatumtuman sang pusil kag ginasita sang mga suldado nga nagaronda. Ginalibot ni General Palparan mismo ang nagkalain-lain nga barangay kag ginapatawag ang mga tawo sa mga miting. Ang mga indi makatambong sa gilayon ginasuspetsahan.

Suno sa mga residente, nagsugod ang pinaka-ulih nga serye sang pagpamatay kag militarisasyon sa ila mga banwa matapos ang isa ka madinalag-on nga taktikal nga opensiba sang Bag-ong Hangaway sang Banwa sa kaingod nga lugar sadtong Enero 29.

Bilang balos, ginpatay sang militar sanday Ricardo Valmocina kag duha niya nga kabulig sa iya manukan sa San Ildefonso sadtong Pebrero 1. Kadungan sini ginkuot sang militar ang duha ka anak nga lalaki ni Valmocina nga ginakakulbaan nga ginpatay man. Antes ini, gin-akusahan na sang militar nga tagasuporta sang BHB si Valmocina. Pila ka metros lang ang layo sang manukan ni Valmocina sa isa ka detasment sang mga suldado. Wala sang nalunsar nga anuman nga imbestigasyon kag wala man ni isa ka tikang nga ginahimo para masilutan ang mga kriminal.

Duha ka simana matapos ang Valmocina masaker, ginkuot sang

Ika-38 anibersaryo sang Jabidah Massacre, gindumdum

Gindumdum sang nagkalain-lain mga organisyong Moro ang ika-38 anibersaryo sang Jabidah Massacre paagi sa paglunsar sadtong Marso 17 sang mga rali kag iban pa nga aktibidad. Ginpangunahan sang Khadija, Liga ng Kabataang Moro, Suara Bangsamoro kag iban pa nga oraganisasyong Moro ang pagdumdum sa masaker nga natabo sadtong Marso 18, 1968. Ginmandu sang diktador nga si Ferdinand Marcos ang pagpatay sa indi magnubo sa 28 ka lalaki nga Moro nga likom nga ginahanas sadto sa isla sang Corregidor para salakayon ang Sabah, Malaysia nga sadto gina-angkon bilang kabahin sang Pilipinas. Nagpamatuk ang mga ginahanas nga Moro sang mahibal-an nila ang ila misyon, gani gilayon sila nga ginpatay. Nabuyagyag ang masaker bangud may isa nga nakaluwas sa mga biktima.

Ang Jabidah massacre isa sa nagerbi nga mitsa sa paglupok sang armado nga paghimakas sang pumuluyo nga Moro sadtong dekada 1970.

Suno sa Moro-Christian People's Alliance (MCPA), gindumdum sang pumuluyo nga Moro ang masaker bangud sa pagdayaw kag pagrespeto nila sa ginapakita nga pagkabaganihan sang mga biktima batuk sa pagpaniplang kag pagpangluib sang gubyerno. Suno naman sa Khadija, indi lamang ang mga biktima sang Jabidah Massacre ang wala pa naagum nga katarungan. Siling sini, padayon ang diskriminasyon, pwersahan nga ebakwasyon, masaker kag iban pa nga paglapas sa tawhanong sang pumuluyo nga Moro, labi na nga kaangot ini sang RP-US Balikatan exercises.

Ginbalita sining Marso 14 sang Commission on Human Rights-Western Mindanao nga nagalab-ot na sa anom ka Moro sa Jolo ang ginpatay sang militar kag ila nga mga *death squad* halin Enero bangud sa ila pamumuno sa mga aksyong protesta batuk sa Balikatan.

AB

militar ang mag-utod nga sanday Reynaldo kag Raymond Manalo. Sa gihapon indi pa sila makit-an tubtub subong.

Ginsundan ini sang pagpatay kay Danila Fajardo, isa ka barangay tanod. Masunod nga adlaw, ginluthang sang mga armadong lalaki si Santiago Francisco, isa ka negosyante, sa sentro sang San Ildefonso.

Samtang, bilang padya sa pagpangalagad ni Palparan bilang pangunahon nga pasistang berdugo sang rehimen, ginhatagan siya sang Distinguished Medal Award sa pagsaulog sang anibersaryo sang Philippine Army sining Marso 20. Ini ang pinakamataas nga pasidungog sa indi pangkombat nga ginahatag sang AFP sa isa ka suldado.

Sa Legaspi City naman, ginpatay sining Marso 19 si Cris Hugo, 20, estudyante sa Bicol University kag *regional coordinator* sang League of Filipino Students. Sadtong adlaw man nga ina, ginkuot halin sa iya upisina kag ginpahog sang militar si Reunil Mortejo sa Davao City. Si Mortejo, tserman sang Anakpawis sa Davao City, ginhambalan mag-untatan na niya ang iya mga aktibidad antes siya buhian.

Sa Bohol, ginpatay sining Marso 7 sa Barangay Abaca, Mabini si Nestor Arinque, pangulo sang Hugpong sa mga Mag-uuma sa Mabini, utod nga organisasyon sang Hugpong sa mga Mag-uumang Bol-anon-Kilusang Magbubukid ng Pilipinas.

Sa kasunson kag kadamu na sang mga kaso sang pagpamatay sa mga progresibo, indi ini mabalewala pati sang mga internasyunal nga grupo. Nagpahayag sang mabaskog nga pagkabalaka kaangot sini ang Amnesty International. Direkta sini nga ginpakamalaut subong nga Marso ang polisiya sang rehimen sa malisyoso nga pag-angot sang mga berdugo sa sulod sang reaksyunaryong hangaway sa wala pili nga pagpamatay kag lapnagon kinamatarung. AB

Padayon ang pagpamatok para patalsikon ang rehimen



Wala mabungkag ang malapad nga kahublagan nga magapataksik kay Arroyo sa atubang sang mga pasista nga maniobra kag nagalala nga pag-atake sang rehimen sa mga demokratiko nga pwersa kag mga pangontra niya sa pulitika. Padayon ang paglapad sini, ang pag-insister sang kinamatarung sini nga magpahayag kag magprotesta, ang paghimo sang iban nga porma sang protesta kag pagbato kag ang pag-insister nga patalsikonang rehimen.

Sa pihak sang pamahug nga pag-aresto kag pagbungkag ni Arroyo, padayon nga nagahiwat ang iban nga sektor kag organisasyon sang mga protesta sa sulod sang mga eskwelahan, mga upisina kag mga kalye.

Naglab-ot sa 15,000 ang nagmartsa sadtong Marso 8, Araw ng Kababaihan, sa Ayala Avenue sa Makati City. Sadtong Marso, naghiwat sang *vigil* ang mga mamahayag sa upisina sang

National Union of Journalists of the Philippines. Sadtong Marso 17, ginatus-gatos ka mga estudyante kag mga manunudlo sang University of the Philippines sa Diliman, Quezon City ang paghiwat sang *walk-out* upang ipahayag ang ila pagkangil-ad sa rehimen ni Arroyo. Padayon gihapon ang iban nga porma sang adlaw-adlaw nga paghulag sang mga estudyante kag manunudlo sa unibersidad batuk sa pagpanglupig nga ginahimo sang rehimen para palapnagon ang panawagan sa pagpukan sa rehimen.

Ginlunsar naman sang Black and White Movement ang "Black Friday Protest" nga ginahiwat kada Byernes, alas-6 asta 6:30 sang gab-i. Ginaumpisahan ini sang dasigan nga mga paghulag sa matawo nga lugar suksuk ang itom nga bayo kag iban pa nga simbolo sang pagbato sa rehimen ni Arroyo.

Naglunsar sang pangkabilugan

Sundan sa "Padayan....," sa pahina 9



27 armas naagaw sa mga reydsang BHB

Baynte'y siyete nga nanari-saring armas ang naagaw sa apat ka reydsang ginlunsar sang Bag-ong Hangaway sang Banwa (BHB) sa nagkalain-lain nga munisipalidad sining Marso. Samtang, 34 ka elemento sang kaaway ang napatay ukon napilasan sa iban pa nga armadong aksyon sang BHB sa panahon man nga ini.


Sa Misamis Occidental. Lima ka M16 kag apat ka malip-ot nga armas (isa ka .45 pistola, isa ka super .38 pistola, isa ka .38 rebolber kag isa ka 9 mm pistola) ang naagaw sang mga Pulang hangaway sang BHB sang salakayon sini ang istasyon sang pulisya sa banwa sang Sapang Dalaga bandang alas-5 sang Marso 20.

Sa Negros. Siyam ka armas ang naagaw sang mga Pulang hangaway sang Boy Gatmaitan Command sang BHB-Negros sang salakayon nila ang detatsment sang PNP 1st Provincial Mobile Group sa Sityo Malasibog, Barangay Binubohan, Escalante City sa Negros Occidental sining Marso 19. Wala na makabato ang mga tropa sang gubyerno

bangud gintabo sang BHB ang pagsalakay samtang nagakaon sang bahaw ang duha ka pulis kag walo ka katapu sang Civilian Volunteer Organization bandang alas-6 sang aga.

Lakip sa siyam ka armas nga nakumpiska sang BHB ang isa ka M60 masanggan, duha ka M16, duha ka M14, tatlo ka garan kag isa ka pistolang .45.

Sa Zambales. Madinalag-on nga natigayon sang mga Pulang hangaway sang BHB ang wala lupok nga reydsang isa ka istasyon sang pulisya sa Botolan, Zambales sadtong Marso 18.



Agud madali makasulod sa istasyon, una nga nagpakuno-kuno ang tatlo ka hangaway nga magareklamo sang isa ka krimen sa pulisya. Samtang ginaimbestiga sang mga pulis ang reklamo, nag-abot naman ang tatlo pa ka hangaway nga nagpakuno-kuno mga imbestigador sang National Bureau of Investigation. Ginsundan sila sang 12 pa ka hangaway nga nakauniporme man sang NBI. Nakibot na lang ang mga pulis sang maghulag ang mga ini agud disarmahan sila. Naglawig sang lima ka minutos ang bilog nga hitabo.

Madasig nga nakaatras ang mga hangaway dala ang tatlo ka M16, duha ka pistolang 9 mm, mga bala kag *base radio* sang Botolan PNP.

Bangud sini, ginpahalin ni PNP Director General Arturo Lumibao sa ila mga pwesto ang *provincial director* sang Zambales kag ang hepe sang pulisya sang Botolan. Ginilisan man sang PNP Provincial Mobile Group ang 24 katapu sang Botolan PNP.

Sa Ilocos-Cordillera Region. Indi magnubo sa 14 ang kaswalti nga gin-angkon sang kaaway sa tatlo ka armadong aksyon nga ginlunsar sang BHB sa Ilocos-Cordillera Region sining Marso.

Sa Kalinga, madinalag-on nga ginlambatan sang isa ka yunit sang BHB ang mga tropa sang 21st IB sa Sityo Balalao, Barangay Mabelong, Lubuagan sining Marso 14. Naigo kag napatay diri si 1Lt. Homer Torres, ang nagatindog nga kumander sang nasambit nga yunit.

Sa lindero sang Abra, Ilocos Sur kag Mountain Province, naeng-kwentro sang isa ka tim sang BHB ang mga elemento sang 50th IB sa isa ka bungyod sa Baranngay Mugao sadtong adlaw man nga ina. Base sa mga inisyal nga report, indi magnubo

"Padayon..." halin sa pahina 8

nga asembliya ang Liberal Party sadtong Marso 17 sa pamumuno nanday Senate Pres. Franklin Drilon kag Sen. Francis Pangilinan kag gindeklara nila nga sipak na sa partido ang mga nagpamuno sang pagtilipon kuno sang partido nga ginapamunuan sang mga pro-Arroyo nga sanday Lito Atienza kag Mike Defensor.

Sa Senado padayon ang mga imbestigasyon kontra sa mga pasista nga layi, sa mga korupsiyon kag sa mga pangdaya sa eleksyon ni Arroyo. Kinundena sang Senado ang mga pagpang-abuso sang rehimen sa pagpapatuman sang PP 1017.

Sa Korte Suprema, padayon nga ginapamilit sang mga abugado kag mga oposisyunista ang iligalidad sa PP 1017 kag iban pa nga mapiguson nga dikreto ni Arroyo. Sining ulihi, ginpahalin sang Malakanyang si Alfredo Benipayo bilang *solicitor-general* (puno nga abugado sang gubyerno) bangud indi niya mapangapinan ang ligalidad sang 1017 kag sa pihak nga bahin gin-ako pa niya nga madamo sang kahuyangan kag mga sala sa pagpapatuman diri. Siling niya, bisan wala sang probisyon ang PP 1017 nga ginatugutan ang mga pag-aresto, reydsang paghalughog kag pangumpiska nga wala sang mandamyento, nagamit man sini nga instrumento subong kadungan sang mga General Order No. 5 at No.6 sa madamo nga pagpang-abuso kag paglapas sa tawhanong kinamatarung kag kahilwayan sang pumuluyo.

AB

sa napulo ka suldado ang napatay ukon napilasan. Una nga nakalab-ot ang isa ka tim sang BHB ang mas mataas nga bahin sang bukid gani nakapangibabaw sila sa pih27 armas naagaw sa mga reyd sang BHBak sang sobra ka daku ang numero sang mga elemento sang AFP.

Sa Mountain Province, gin-lambatan sang mga Pulang hangaway sa idalum sang Leonardo Pacci Command (LPC) ang isa ka yunit sang 54th IB sa Sityo Pegew, Tetep-an Sur, Sagada sadtong Marso 10. Tatlo ka suldado ang ginreport nga napatay. Ang paglambat nga ini isa ka pagsilut sa mga tropa nga naglunsar sang operasyon militar sang Marso 3 sa mga barangay sang Mainit, Gutang, Baliko, Sityo Pakad kag Bugang sa Sagada. Gin-abangan kag gin-interogar sang mga suldado ang tanan nga nagaagi nga mangunguma kag ginaakusaran sila nga tagasuporta sang BHB. Wala sila ginpahanugutan nga magkadto sa ila komunal nga pastuhan kag talamnan. Pati pagkaon nga balon nila kinumpiska sang mga tropa sang Philippine Army.

Sa Agusan del Sur. Tatlo ka suldado ang napatay, lakip ang isa ka tinyente, sang palukpan sang mga gerilya sang BHB sang *land mine* ang isa ka grupo sang militar sa lindero sang mga baryo sang Don Pedro kag Dimasalang sa San Luis, Agusan del Sur sining Marso 12. Lima nga iban pang suldado ang napilasan, suno sa mga inisyal nga report.

Sa Southern Mindanao. Tatlo ka suldado ang napatay kag siyam ka elemento sang kaaway ang napilasan sa tatlo ka separado nga taktikal nga opensiba sang BHB sa duha ka prenteng gerilya sa Southern Mindanao sining Marso 9.

Sa isa ka pahayag, ginsiling ni Rigoberto Sanchez, tagapamaba sang Merardo Arce Command nga duha ka suldado ang napatay sang ambuson sang mga Pulang hangaway halin sa Front 2 ang gintingub nga pwera

Cecilio Mariano: Suldado sang AFP, nangin isgnanan nga kumander sang BHB

Isa sa mga naging bantog nga Pulang kumander sang Bag-ong Hangaway sang Banwa (BHB) sa Cagayan Valley sadtong ulihi nga tunga sang dekada 1970 tubtub una nga tunga sang dekada 1980 si Cecilio "Ka Raffy" Mariano. Anay suldado siya sang 4th IB nga nagsunod sa halimbawa ni Crispin Tagamolila nga namuklat, naghalin sa reaksyunaryong hangaway kag nag-entra sa tunay nga hangaway sang pumuluyo.

Tubo sang Nueva Ecija si Ka Raffy. Nakadestino siya Basilan sadtong kainitan sang maduguon nga kampanya sang diktaduryang Marcos batuk sa pumuluyong Moro gani beterano siya sang pagpakig-away batuk sa MNLF.

Nangil-ad siya sa AFP sang masaksihan niya ang mga kalakasan sini sa Basilan, ilabi na sa mga wala inugbato nga sibilyang Moro. Nagdesisyon siya nga maghalin sa Philippine Army, ilabi na nga malapit na matapos ang iya tour of duty kag nahibal-an niya nga pagapiliton siya sang mga upisyal-militar nga magsuldado liwat. Samtang nagabakasyon siya sa iya mga himata sa Isabela sadtong 1976, naangutan niya ang lokal nga yunit sang BHB kag nagkigbayluhanay sang mga ideya. Wala madugayi, nagdesisyon siya nga mag-entra sa BHB dala ang iya armas.



Sundan sa "Cecilio," sa pahina 11

halin sa 28th IB, Philippine National Police kag CAFGU bandang alas-12 sang udto sa Sityo Darot, Barangay Libodon, Mabini, Compostela Valley. Isa pa ka suldado, isa ka elemento sang CAFGU kag duha ka pulis ang napilasan.

Bandang alas-5:30 sang hapon sina man nga adlaw, duha ka pulis ang napilasan sang lambatan sang isa ka tim halin sa 3rd Pulang Bagani Company ang tropa nga reimporsment halin sa PNP sa Km. 11, Barangay Cabuoyan, Mabini. Pakadto tani ang mga pulis sa Sityo Darot.

Sa Banganga, Davao Oriental, hinaras sang isa ka tim halin sa Front 15 ang mga elemento sang 67th IB nga bag-o gid lang makatukod sang detatsment sa Sityon Ulin, Barangay Mahan-ob. Isa ka suldado ang napatay kag tatlo ang napilasan, lakip ang duha ka sarhento.

Wala sang naangkon nga anuman nga kaswalti ang BHB sa

mga inaway nga ini.

Samtang, mga indi makabato nga sibilyan ang ginbalusan sang kaaway matapos mahuy-an sa tatlo ka magkasunod nga pagkalutos sa BHB sa sulod lang sang isa ka adlaw. Ginsunog sang mga elemento sang 28th IB ang mga balay sang lima ka sibilyan nga sanday Ben Deola, Junie Granada, Montano Anuda, Gabriel Ogapang kag Sumbie Subo, lunsay taga-Sityo Darot. Ang mga biktima, nga ginaakusahan tagasuporta sang BHB, lunsay ginkawatan man sang mga pasista.

Sa Cagayan. Indi magmenos sa apat ka armas anng nakumpiska sang mga Pulang hangaway sang BHB sang wala lupok nga salakayon nila ang detatsment sang Philippine National Police sa Barangay Baybayog, Alcala sadtong gab-i sang Marso 9. Suno sa mga inisyal nga report, nakakumpiska ang BHB sang duha ka ripleng M16 kag duha ka pistolang 9 mm. **AB**

Mainit siya nga ginbaton bilang hangaway. Isa ka kaupod nga suod sa iya ang nag-asikaso sa iya integrasyon sa Pulang hangaway kag paghanas sa hilikuton pangmasa.

Sa Timog Isabela una nga naghulag si Ka Raffy.

Sadtong 1978, ginsaylo si Ka Raffy sa mga ginapalapanan nga erya sa Cagayan. Gintukod sadtong 1979 ang una nga iskwad gerilya sa prubinsya. Nakita sang mga kaupod nga napanday na si Ka Raffy sa hilikuton pangmasa, gani gindestino na siya sa hilikuton sa paghanas-militar. Gindestino man siya nga giya pangpulitika sang iskwad.

Bilang instruktur-militar, daku ang nabulig ni Ka Raffy sa pagtukod sang kurikulum militar kag paghatag sang paghanas-militar sa Cagayan. Nagserbi siya nga instruktur sa mga paghanas sang mga Pulang hangaway didto halin sadtong 1980.

Napataas man niya ang iya teoritikal nga kaalaman. Mapisan siya nga nagabulig sa paghimo sang Basehang Kurso Militar sang Cagayan Valley nga nagamit man sa iban pa nga lugar sang Pilipinas sadtong 1980. Daku ang naamot niya sa BHB sa pagpasulong sang mga taktikal nga opensiba halin 1979 tubtub 1982 sa rehiyon.

Daku nga pagbag-o ang natabo kay Ka Raffy sa iya paghulag bilang hangaway kag kumander sang Pulang hangaway kag padayon nga pag-integrar sa masa. Baliskad sa kontramasa nga oryentasyon sang ginhalinan niya nga reaksiyunaryong hangaway, permi na niya ginadumdum ang pangapin sa interes sang masa. Isa siya sa mga mabaskog nga nagpamatuk sa pila ka pagpamintas kag paghalog sa disiplina sang hangaway nga ginbunga sang adbenturismong militar. Bunga sang pagpursiger ni Ka Raffy, natadlong ang pila ka sayup nga praktika sa kubay sang mga rebolusyonaryo.

Sang magtukod sang pangprente nga yunit gerilya ang Sidlangan Cagayan sadtong 1980, si Ka Raffy ang ginbutang nga kumander sini tubtub 1982. Nakalunsar sila sang madinalag-on nga taktikal nga opensiba sa Sidlangan Cagayan pareho sang mga ambus, pagdisarma sa mga yunit sang CHDF kag iban pa nga mga aksyong militar.

Liwat gindestino si Ka Raffy sa Isabela sadtong kainitan sang paghimakas sang pumuluyo batuk sa pag-agaw sa ila duta sa Hacienda Sta. Isabel kag San Antonio sadtong 1982. Nangin kumander siya sang bag-o nga tukod nga platun gerilya sang BHB sa Isabela kag pareho sang una, nagsulong ang mga taktikal nga opensiba sang BHB diri. Napatay siya sa isa ka ambus nga nagpapas sa duha ka platun sang Scout Ranger sa San Mariano sadtong 1984.

AB



Ang "malawigan" nga gera sang US

Ginpagguwa sa publiko sang Department of Defense (DOD) sang US sadtong Pebrero ang 2006 Quadrennial Defense Review (QDR) nga nagsaysay sang bag-o nga pangkalibutanon nga estratehiya militar sang US sandig sa nakita sini nga mga peligro sa pangkalibutan nga interes kag seguridad sang US kag pagtasar sang ikasarang kag kapasidad sang armadong pwersa sini. Ang QDR ginhimo sang DOD kag ginsumiter sa Kongreso sang US kada apat ka tuig nga nagalatag sang direksyon kag programa para sa armadong pwersa sini sa masunod nga 20 anyos.

Sa pangbukas pa lang sang pinakaulihi nga QDR, ginasaad sang DOD nga "ang US isa ka pungsod nga imbolbado sa gera nga mahimo malawigan." Ginasiling sini nga mahimo maimbolbar pa ang US sa madamu nga gera sa "madamu nga pungsod sa isa ka panahon kag sa sulod sang madamu nga tuig." Gintumod sini ang subong nga mga gera nga ginaimbolbaran sang US sa Iraq kag Afghanistan kag ang ginalunsar pa sini sa palaabutanon nga posible magaabot sang 20 tuig ukon sobra pa.

Ginbaylo ang konsepto sang "malawigan nga gera" sa daan nga konsepto sang "gera nga madali ginatapos" nga amo ang dala-dala sang mga estratehista militar sang US halin katapusan sang Vietnam War kag Cold War. Luwas sa lubos nga pagkalutos sang US sa 15-tuig nga pagkig-away sini sa Vietnam, nagbunga man ang gera nga ini sang malaparan nga mga protesta kag madalum nga krisis sa US. Gani halin sadto ginatinguha sang US nga maglikaw sa malawigan nga gera. Ilabi na sa nagligad nga masobra isa ka dekada bilang solo nga *superpower*, ginasisiguro sang US nga ang





mga ginsudlan nga gera madasigan nga matapos gamit ang superyoridad sang mga abante nga kagamitan panggera sini batuk sa mga pungsod nga mas maluya sa halambalanon militar.

Tampok nga halimbawa ang madinalag-on nga pagpanggera sang US sa Iraq nga gintapos sa sulod sang anum ka simana sadtong Enero-Pebrero 1991. Sa gera nga ato, gingamit sang US ang daku nga superyoridad sang mga modernong armas sini. Madasig man nga gintapos sang US ang mga gera sini sa magagmay nga pungsod sang Panama, Haiti kag Somalia, kag relatibo nga madasig man sa anay Yugoslavia.

May isa ka lebel sang pagkunsiderar sa QDR 2001 nga posible maglawig ang mga ginalunsar sang US nga "gera anti-terorista." Pero sa kadak-an ginasigahum sadto nga masarangan sang US na madasigan nga lutuson ang mga kaaway sini paagi sa kumbinasyon sang mga pamugong nga pag-atake, mga pwersa nga yara sa abante nga pusisyon ukon insigida makalarga kon sa diin may kaaway (*forward deployed/expeditionary forces*), mga presiso nga bira (*precision strike*) kag superyoridad sang US lunsay sa mga kumbensyunal kag mga high-tech nga hinganiban.

Ang mga atake sa World Trade Center kag Pentagon sadtong Septyembre 11, 2001 ginhingalitan sang US para maglunsar sang gera sa Afghanisan kag Iraq kag magpamahug sang gera batuk sa iban pa lakip ang ginatawag sini nga "axis of evil" (North Korea, Iran kag Cuba). Ginsakyan sang gubyernong Bush ang lapnagon nga kaakig sang pumuluyo sa terorismo. Sa likod sang islogan nga "gera kontra sa terorismo," ginsalakay kag gin-okupar sang US ang maluya nga pungsod Afghanistan kag Iraq sa

katuyuan nga kontrolon ang suplay sang langis kag pulitika sa Middle East kag Central kag South Asia.

Paagi sa "shock and awe" (gulpe kag kakibot), gintuyo sang US nga mapadaug gilayon ang mga gera sini. Ugaling lunsay sa Iraq kag Afghanistan, ang gera nga ginlunsar sang US indi madasigan nga natapos. Bisan gilayon nagmadinalag-on sa paglutos sa mga nakaluntad nga gubyerno, nagadugay ang paglutos sini bangud sa tanan nga bahin nga pagbato sang ginsakup nga pumuluyo.

Sa kamatuoran, padayon nga nagadamu ang mga kaswalti sang US kag nagakahigot ang US sa pagdepensa sa kaugalingon sa mga banwa ini. Ginaatubang sang gubyernong Bush ang nagabaskog nga nagabaskog nga panawagan sang pumuluyong Amerikano nga tapuson na ang gera kag paulion na ang ila mga tropa.

Kadungan sini, nagadaku ang pangulba sang gubyernong Bush sa magagmay pero mabaskog nga kaaway sang US, indi lang sa Iraq kag Afghanistan, kundi pati sa mga atrasadong pungsod sa Africa, Asia kag Latin America. Sa subong, mahimo maobligar ang US nga dululungan nga atubangon ang madamu nga magagmay nga gera sa madamu nga pungsod sa malawig nga panahon.

Agud mapabaton sa pumuluyong Amerikano ang kamatuoran sang nagapadayon nga direktang okupasyon sang mga tropang Amerikano sa Iraq kag Afghanistan, kag ang ginapanan-aw nga posible pagkaimbolbar sang US sa iban pa nga mga gera sa nagkalain-lain nga bahin sang kalibutan, ginapalapnag subong sang DOD ang ginatawag "malawigan nga gera" sang US.

Todo-todo nga ginasulong sang gubyernong Bush ang "Proyekto para sa Isa ka Bag-ong Siglo sang

Amerika" (Project for a New American Century) nga ginatampukan sang armadong agresyon kag okupasyon sang mga independyenteng pungsod. Ini ang estratehiya nga daan na nga ginaduso sang mga ultra-Tuo nga elemento sang US bilang pangunahon nga paagi sang paglatag sang imperyalistang hegemonya sang US sa bilog nga kalibutan.

Tampok sa pinakaulihi nga QDR ang masunod nga katuyuan sang rehimeng Bush kag sang iya ultra-Tuo nga guban para sa armadong pwersa sang US: paglutos sa mga kaaway nga pungsod kag "mga pwersa sang insureksyon," mga "teroristang pwersa" kag iban pa nga "pwersa nga di estado"; pagkontra sa mga armas nukleyar, bayolohikal kag kemikal sang mga kaaway nga pungsod; pagtuyo nga tapnaon ang pagbaskog kag ekspansyon sang impluwensya kag kagamhanan sang dalagku nga independyente nga pungsod pareho sang China, Russia kag India; kag pagpahugot sa sulod sang US sa ngalan sang "pagdepensa sa kaugalingon nga pungsod."

Sa apat ka katuyuan nga ini, nagatum-ok ang QDR sa una, ang paglutos sa mga kaaway nga estado kag "pwersa nga di estado." Pareho sang 2001 QDR, tanan nga ini ginaangot sang QDR sa "gera kontra-terorismo" nga tapalan sa mga tero-ristang atake sadtong Septyembre 2001.

Pagtum-ok sa special operations. Ginatilawan sang pinakabag-o nga QDR nga magdistansya sa daan nga estratehiya nga nagatum-ok sa paggamit sang mga kumbensyunal nga hinganiban pareho sang mga tangke, eroplano, barko kag mga *missile* batuk sa mga kaaway nga estado. Sa baylo, gusto sini nga mapauswag sa mga di kumbensyunal kag di-direkta nga pamaagi ang militar sang US sa



paglutos sa "terorismo" kag pagpalapad sang kagamhanan sini. Ini kuno ang ang kinahanglan sang US para sa madamu nga direkta (hayag) kag labi nga mas madamu pa nga di-direkta (tago) nga operasyon nga ginahimo sang mga kumando sang Special Operations Forces sa nagkalain-lain nga pungsod. Ginatampukan man ini sang *reconnaissance* kag *unmanned surveillance* (pagpaniktik nga gamit ang mga *high-tech* nga instrumento sa baylo sang tawo), pagpalapad sang armadong nabal para para tuhugon ang mga ini, kadungan ang paghimo sang madamu nga bira halin sa kahanginan.

Ang Special Operations Forces sang nagkalain-lain nga yunit sang US Armed Forces (pareho sang Delta Force kag Navy SEALs) ang magaserbi nga pangunahong pwersa sa "malawigan nga gera." Ang mga ini ang ginagamit sang US sa "gera batuk sa terorismo" agud makatipon sang mga datos paniktik, maglunsar sang mga sikreto nga armadong aksyon kag maghanas sang mga lokal nga mersenaryong hangaway.

Sa nagligad nga apat ka tuig, nagdamu na sang halos 81% ang mga operasyon sang Special Operations Forces sang US. Sa idalum sang bag-o nga QDR, padamuan pa ang mga ini sang 33%. Kabahin sini ang pagtukod sang bag-o nga kumand para sa Special Operations Forces sang US Marines nga magakinahanglan sang 2,600 bag-ong tropa kag dugang pa nga 3,500 para italana sa *psychological operations* kag *"civil affairs."*

Para matigayon ang mga ini sang bisan dulungan sa isa ka dosena ukon masobra pa nga pungsod, plano sang US nga padakuon pa sang 15% ang armadong pwersa sini kag magadugang sang katuwang nga kantidad sa badyet militar.

May plano man bungkagon ang pila ka base militar nga nakatumod sa anay

Soviet Union, magtukod sang nagkalain-lain nga tipo sang base militar sa mas madamu nga abyan nga pungsod, kag hatagan-tum-ok ang ikasarang nga madasig nga makadeploy sang mga armadong pwersa diin man nga bahin sang kalibutan.

Pabaskugon man ang pagpangalap sang *human* kag *signal intelligence*. Magapadamu sang mga espiya sa sulod lunsay sang mga abyan kag kaaway nga pungsod. Magatukod sang isa ka sentro paniktik nga nakabase sa NATO. Magpabaskog sang ikasarang kag sakup sang ila mga radar sa kahawaan kag palaparon ang *global information grid* (isa ka likum nga pangkalibutanon nga *network* para sa pagpangalap, pagtipon kag pagpaabot sang mga impormasyon sa mga kinahanglanon nga yunit). Sa amo man, ginaduso sang QDR ang pagpauswag sang ikasarang sang mga tropa paniktik sang US paagi sang paghanas sa mga suldado sa nagkalain-lain nga lengwahe, pareho sang Arabic kag Chinese.

Naghilera man ang QDR sang mga dugang nga armas nga *high-tech* kag espesyalisado para sa Special Operations Forces. Lakip sa

mga ini ang pagbakal sang pila ka gatos nga *unmanned surveillance aircraft* (eroplano paniktik nga wala piloto) kag pagtukod sang isa bilog nga plota nabal sa idalum sang Special Operations Forces sang US Air Force. Ang mga bag-o nga gamit-militar kag armas ginalauman nga magpauswag sa peksibilidad kag ikasarang sang US Armed Forces nga magpasilabot sa nagkalain-lain nga bahin sang kalibutan.

Samtang ginapataas ang kapasidad sang mga espesyal nga pwersang mahulag, padayon nga ginapauswag sang US ang mga gamit-militar kag armas nga nakatum-ok sa regular nga pagpakig-away gihapon sa China kag iban pa nga dalagku nga estado nga kaaway kag indi lubos kontrolado sang US. Ginarekomendar man sang QDR ang pagdoble sang mga barko de gera sa Pacific Ocean sa masunod nga apat ka tuig bilang pangsupta sa mga tropa nga nakaposisyon na diri kag magaserbi man ang paandam kag pagpreparar sa ano man nga aksyon sang China. Pabor man kaayo ang mga plano nga ini sa mga higante nga kumpanya nga nagahimo sang armas para sa gubyerno sang US. **AB**

1.5 milyon nagralli batuk sa bag-o nga polisiya sa pagtrabaho sa France

Naglab-ot sa 1.5 milyon nga pamatan-on kag mamumugon ang nagdagsa sa kalye sa nagkalain-lain nga syudad sang France sining Marso 18 para pamatukan ang kontra-mamumugon kag kontra-pamatan-on nga First Employment Contract (CPE). Masobra 300,000 ang nagpartisipar sa syudad sang Paris kag ginatus-gatos ka libo sa sobra 10 iba pa nga syudad. Naglab-ot na sa 300 ang gin-aresto sang mga pulis sa sulod lamang sang isa ka simana.

Ang CPE ang bag-o nga polisiya sa trabaho nga magahatag sa mga kapitalista sang gahum nga basta na lang pahalinon ang mga mamumugon nga wala pa sang 26 ka tuig ang edad sa sulod sang una nga duha ka tuig nila sa trabaho. Ginapamilit ni Prime Minister Dominique de Villepin nga ini ang solusyon sa daku nga problema sang disempleyo sa pungsod. Ang France ang isa sa mga pungsod sa Europe nga nagakaproblema sa mataas nga tantos sang disempleyo. Nagalab-ot sa 23 % sang mga kabataan ang wala sang trabaho. **AB**



Nagalapad ang kinagamo sa China

Umpisa nga ginsunod sang China ang banas sang kapitalista nga pagpanumbalik sadtong 1976, liwat nga nabuhi ang mga peste nga lubos na nalutos sang demokratiko nga rebolusyon sang banwa sadtong 1949 kag ginlubong na tani sang naumpisahan ang sosyalistang konstruksyon sadtong 1956.

Ginaatubang sang masang anakbalhas sa China ang tuman kalubha nga problema sosyo-ekonomiko; lapnagon nga disempleyo, sweldo nga pangkuha-gutom lamang, matag-as nga implasyon, mabug-at nga buhis, burukratiko nga korapsyon, mataas nga tantos sang usura, wala sang mapuy-an, pagduso sang droga, pagpakalimos, prostitusyon sang kababaihan kag kabataan kag pagpatay sa mga lapsag nga babaye.

Matapos ang halos 30 ka tuig nga pagpanumbalik sang kapitalismo, tumingkad liwat ang pagtunga-tunga sang China sa nagapanghimulos kag ginahimuslan nga mga sahi. Samtang may pila nga nakapadaku sang ila manggad, tuman kadaku nga mayorya sang pumuluyo nga nagaantos sang kaimulon kag kabudlayan.

Padayon nga naglala ang pangkatilingban nga kinagamu sa bilog nga China. Sadtong 1989, gintay-og ang masobra 80 syudad sang mga pag-alsa sang mangunguma kag welga bunga sang mga kapitalista "nga reporma". Pag-abot sang 2003, tatlo ka milyon nga pumuluyo ang naimbolbar sa 58,000 nagkalain-lain nga pag-aalsa. May 74,000 man nga mga kinagamo sa publiko sadtong 2004, suno sa mga report mismo sang gubyerno. Sadtong 2005, naglab-ot sa 87,000 ang mga pag-alsa kag protestang masa.

Mayorya sang mga ini ang kontra sa korapsyon sa gubyerno kag iligal nga pangumpiska sang mga duta. Gin-ako mismo ni Premier Wen Jiabao nga ang problema sa duta ang isa sa talalupangdon nga mga halambalanon nga gina-atubang subong sang pumuluyong Tsino kag amo ang nagatuga sang malaparan nga pag-alsa sa kaumhan. Nagapadayon nga naga-igrab ang mga ispontanyo nga pag-alsa bisan pa gamitan sang gubyerno sang China sang masingki kag maduguon nga pagtapna.

Isa sa talalupangdon nga pag-alsa ang natabo sadtong Disyembre 2005 sa nabagatnan nga China kon sa diin indi magnubo sa 20 katawo ang ginmasaker sang pulisya. Masobra 50 pa nga taga-baryo ang nadula matapos ang pagpangluthang.


Sadtong nagligad nga Enero sa Panlong, sentro sang industriya sa nabagatnan sang China, ginpatay sang mga pwersa pangseguridad sang estado ang isa ka 13 anyos nga bata nga babaye kag masobra 60 ka tawo ang napilasan sang mapintas nga bungkagon ang kubay sang mga nagaprotesta. Sobra ang kaakig sang pumuluyo sang Panlong sang ibaligya sang gubyerno ang ila mga duta sa mga pribado nga kumpanya para patindugan sang mga pabrika sang kemikal kag tela. Nagpasugot sila sadtong una nga kuhaon sang gubyerno ang ila duta sang silingon nga gamiton ini sa konstruksyon sang *superhighway* nga magaanog sang ila nga lugar sa syudad sang Zhuhai, ang pungsodnon nga kabisera sang Beijing.

Indi lang mga mangunguma sa kaumhan ang nagpartisipar sa pag-alsa. Nagadamo man ang mamumugon nga disgustado sa ila kapigusan ang nagalunsar sang nagkalain-lain nga porma sang protesta. Isa sa mga pinaka-matingkad nga halimbawa ang mga pag-alsa sang mamumugon sa Daqing, ang ginabilang nga modelo sang sosyalistang industriyalisasyon sa China sang buhi pa si Kaupod Mao Zedong.

Isa ka disyerto ang Daqing sa prubinsya sang Heilongjiang sang una nga sudlon sang mga mamumugon sadtong 1958. Paagi sa ila lubos nga pagpalangga sa sahi kag banwa kag komunista nga dedikasyon, nangin matinugahon, mapamaagi kag episyente ang mga mamumugon sa pagpatindog sang mina sang langis kag pagsuplay sang sobra 67% sang kinahanglanon sang China.

Gani nagserbi sila nga inspirasyon sa bilog nga China. Ginpanawagan ni Mao Zedong sadtong 1964 nga: "Sa industriya, magtuon ang Daqing." Pero nabaliskad ang tanan nga ini halin nga nangin rebisyunista ang naga-pamuno nga partido kag gubyerno sang China. Halin sa pagpanag-iyang sang mga mamumugon, ang PetroChina nga ginapanag-iyahan sang kumpanya sa Daqing, ang ginapanag-iyahan na subong sang mga kapitalista. Isa na ini nga "modelo sang korporatisasyon" kon sa diin nagapangibabaw ang interes sang mga kumprador sangsa mga mamumugon kag pumuluyo.

Naglapnag ang malala nga korapsyon sang mga nagadumala nga kumprador, ang dalagku nga sweldo, maluho nga pribilehiyo kag





iban pa nga pag-abusar kag pagpatuyang nila sang mga propyedad sang kumpanya. Labi nga nagsinaka ang mga gastos sa operasyon kag ang nagkalaputo ang kumpanya. Ang ginabalikan sang akusasyon amo ang mga mamumugon. Halin sadtong 1999, masobra 90,000 sa 300,000 mamumugon ang ginpahalin na sa Daqing. Suno sa isa nga ginpahalin nga mamumugon sa Daqing, "Ginpahalin kita sang mga yara sa ibabaw para mabugayan ang kaugalingon nila sang mga tuigan nga bonus nga katumbas sang pagakitaon naton asta nagakabuhi."

Ang mga seguro para sa ikaayong lawas kag iban pa nga mahalalon nga benepisyo nga nabilin pa sa mga mamumugon sa Daqing ang ginkuha man sa ila. Gin-untat ang subsidyo sang kumpanya sa *air-conditioning* (pagpabugnaw sa mga puluy-an nila sa sitwasyon nga tuman kainit sa disyerto nga ginapwestuhan sini) kag sobra nga ginakinutan ang iban pa nga gastos para sa ikaayong lawas kag kasulhayang sang mga mamumugon samtang yara sa trabaho. Pila ka tuig nga nagapangayo sang negosasyon ang mga mamumu-mugon, pero nagabungul-bungolan ang mga nagapamuno halin sa kumprador nga manedyer asta sa mga pinuno sang gubyerno sa China.

Nag-ibwal sadtong 2002 ang dalagku nga hublag-protesta sang mga mamumugon sa Daqing kag bilog nga China. Naglab-ot sa 50,000 mamumugon sang Daqing ang nagpartisipar sa tatlo ka bulan nga welga sa naaminhang sidlangan sang China nga ginpartisiparan man sang 30,000 halin sa mga industriya sang metal kag iban pa nga indutriya sa kalapit nga syudad sang Liaoyong. Sa una nga kahigayunan halin nga maghari ang mga rebisyunista, nakainsister ang isa ka unyon sang mga mamumugon sang

kahilwayan sa kapitalista nga estado. Ginguba man sini ang rebisyunista nga polisiya nga punggan ang angtanay kag koordinasyon sa paghimakas sang mga mamumugon sa nagkalain-lain nga unyon kag industriya.

Ang paghulag sa Daqing naliwat sa nagkalain-lain nga bahin sang China. Sa pihak sang paggamit sang mga pulis sang salsalon nga kamot kontra sa mga nagaprotesta kag pagbilanggo sa nagapamuno sa welga labi pa nga nagpabaskog sa mga protesta. Wala malingkang ang paghimakas sang mga mamumugon sa Liaoyang Petroalloy Factory sadtong 2002. Ginsuportahan ini sang 30,000 mamumugon halin sa anum pa ka industriya sa syudad. Naglab-ot sa anum ka bulan ang mga protesta nga nagapakamalaut sa korapsyon sang mga manedyer kag lokal nga gubyerno sang pumuluyo.

Sadtong man nga 2002, nagmartsa ang pila ka pulo ka libo nga ginpahalin nga mamumugon sa mga minahan sang karbon, planta sang semento, salsalon kag petrokemikal sa kaiping nga syudad sang Fushun. Madamo sa ila daan na nga nagatrabaho sa Tiger Platform Coal Mine kon sa diin 24,000 sa 30,000 mamumugon ang ginpahalin kabaylo sang balor nga katumbas sang ila tuig nga serbisyo.


Para indi maobliga ang estado kag kapitalista nga maghatag sang suporta sa mga wala sang trabaho, sigun sa nabilin nga polisiyanga sosyalista, ginatawag subong nga *xiagang* o "napahalin pero indi upisyal nga nawad-an sang empleyo" ang mga ginpahalin nga mamumugon. Sang una obligado ang pabrika nga tagaan sang alawans nga \$30 asta \$55 kada bulan ang mga ginpahalin sa trabaho mientras nga wala pa sila sang makita nga bag-o nga trabaho. Subong, isa ka bilog nga kantidad na lamang ang

ginahatag sa mga mamumugon nga ginpahalin nila.

Sa Fushun, nagabaton lamang sang \$ 4, 400 ang mga minero nga 20 ka tuig nga nagtrabaho sa kumpanya (manubo pa sa P35 kada adlaw nga pagserbisyo). Sa China subong, mas o menos duha ka tuig lamang ang igalawig sang amo nga balor bisan para lamang ini sa mga importante nga kinahanglanon para mabuhang ang isa ka tawo.

Ang militante nga mga paghulag sang mga mamumugon sa mga sentro nga industriyal sa China ang patimaan sang ila lapnagon nga pagpamatuk sa mga pang-abuso kag pagpanghimulos sang kapitalista. Sa kubay sang proletaryo, ang mga mamumugon sa mga kumpanya nga sadto ginapangiyahan sang estado ang pinakaakig bangud sila ang pangunahon nga naigo sang mga pagpahalin bunga sang pagkaputo, pagsara kag pribatisasyon sang mga industriya. Hayag nga saksi sila kon paano ginaagaw sang burgesya ang ginatrabahuan nila nga empresa nga ginapanag-iyahan sang bilog nga publiko. Lapnagon man ang naakig sa kubay sang mga mamumugon sa nagalapad nga pribado nga sektor, labi na ang ila kusog-pangtrabaho amo na ang kapitalista nga balaligyaon kag madali na sila pahalinon sa ano man oras.

Lapta-lapta kag ispontanyo pa ang kinaiya sang mga pag-alsa sang mangunguma kag mamumugon subong sa China bangud sa kawad-on sang tunay nga partido komunista nga nagasakdag sa interes sang proletaryado kag iban nga anakbalhas kag magapamuno sa ila mga pagbato. Maabot ang tion nga liwat nga magabangon ang mamumugon sa China, magaoragnisa sang ila kubay kag magasipa sa burgesya nga nag-agaw sa liderato sang Chinese Communist Party kag sosyalistang estado kag nagbawi sa mga kadalagan sang masang anakbalhas. **AB**

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVII No. 6
Marso 21, 2006
www.philippinerevolution.org

Editorial

Pasingkion ang armadong paghimakas!

Mabaskog nga ginahingyo sa tanan nga mga Pulang kumander kag hangaway sang Bag-ong Hangaway sang Banwa (BHB) kag mga kadre kag katapu sang Partido Komunista sang Pilipinas (PKP) nga ubos-kusog nga pasingkion ang rebolusyonaryo nga armadong paghimakas. Ini ang nagakadapat nga himuon sang BHB bilang sabat sa lapnagon nga panawagan nga tapnaon ang pasista nga sapat sa Malakanyang, papag-sikon ang hayag kag rebolusyonaryo nga kahublagang masa kag isulong ang inaway banwa padulong sa masunod nga subhalintang sang estratehikong depensiba.

Base sa direktiba sang Komite Sentral, ginapanawagan sang Partido sa tanan nga Pulang kumander kag hangaway sang BHB nga palig-unon ang determinasyon nga kaptan ang mabaskog nga buwelo sang mga taktikal nga opensiba.

Padayunon ang serye sang mga taktikal nga opensiba nga ginsuguran sadtong Septyembre 2005 nga amo ang pinakamalapnagon, pinakamaid-id kag pinakasustenido halin sadtong 1992. Lampasan pa naton ang kadamuon kag kasunson sang mga nalunsar nga taktikal nga opensiba kag ang numero sang



armas nga naagaw. Dugang pa naton pataason ang kahanasan sang mga Pulang hangaway, labi nga palig-unon ang ila militansya kag pabaskugon ang diwa nga mapagbato sang pumuluyo.

Ang buwelo nga ini sang mga taktikal nga opensiba sang BHB maathag nga nagapamatuod nga luto ang obhetibo kag suhetibong kahimtangan para sa pagpasingki sang pagpakig-away gerilya. Tuman kaayo ang kahimtangan kag mas paborable pa sa pila ka aspeto kon ikumparar sa una nga tunga sang dekada 1980 sang maangkon ang daku nga pagsikad sang armadong

paghimakas.

Labaw ang kabangisan sang pasistang sapat sa Malakanyang. Pero sa likod sang matalum kag duguan nga mga bangkil ni Gloria Arroyo, labi nga maluya kag naputos sang balatian ang iya rehimen. Wala pa tupong ang kadalum kag kasingkion sang kawadon, wala unod nga kaban sang banwa, gubaon nga industriya kag agrikultura kag mas mataas nga lebel sang disempleyo.

Ang pangunahon nga armadong instrumento ni Arroyo ginauyog sang madalum nga internal nga inaway. Ang kontra-rebolu-

**Mga tampok
sa isyu ng ini...**

Pasistang halimaw
PAHINA 3

**Walang habas
na pamamaslang**
PAHINA 6

**Lumalawak ang ligalig
sa China**
PAHINA 14

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com